

Darivanje krvi u Švedskoj

Hvala što razmišljate da postanete darivalac krvi u Švedskoj.

Da biste darivali krv u Švedskoj potrebno je da znate govoriti, čitati i razumjeti švedski jezik. Razlog je taj kako bi se osiguralo da ne bude nesporazuma između vas i nas prilikom popunjavanja zdravstvenog upitnika. Naš glavni prioritet je dobiti sigurnu krv, te se stoga moramo savršeno razumjeti.

Morate također imati švedski matični broj, važeću legitimaciju, te biti zdrava odrasla osoba starosne dobi između 18 i 60 godina. U slučaju da danas ne možete označiti sve kvadratiće, slobodno dođite opet kada budete mogli.

Švedska ima dovoljno vlastitih krvnih produkta, ali su novi darivaoci uvijek potrebni kako bi se održala uravnoteženost. Važno je da darivaoci budu osobe različitog etničkog porijekla kako bismo uvijek bili u mogućnosti da damo i najčešće i najrjeđe tipove krvi.

Tri posto odraslog stanovništva u Švedskoj svake godine daruje krv. Postoji više od 90 centara za transfuziju, od koji se većina nalazi u bolnicama i njima upravljaju okružna vijeća. Neki centri za transfuziju su iz bolnica prešli u gradske centre, i sl. kako bi pojednostavili darivanje krvi. Postoje još i autobusi za transfuziju koji voze u gradovima, selima, te obilaze veće kompanije.